

鶴山縣志卷之八

人物列女

元

李從輪妻梁氏祿洞人元末西賊侵掠從輪舉家被害梁與妾麥氏被擄舟中賊欲犯之梁大罵曰我本良家女官家婦今日恨不得斫爾頭以報我夫於地下爾敢污我遂與麥同溺水死舊志

明

呂師賢妻楊氏樓冲人明初土寇流劫欲逼之赴水死同上

李彦升妻馮氏祿洞人夫歿遺四子二女夫弟彦常亦逝其妻棄子而他適族有廣明者賣田與彦升至是欲奪之族人庚長暮夜被殺廣明遂貨族惡李儒

鶴山縣志 卷之八 列女

一

祖輩誣其子亮羅織成獄監繫於郡期功懼禍皆莫顧馮出則訟冤入則課僮僕力作以供衣食辛苦萬狀男女漸長各擇昏配亮繫獄九年遇赦得釋馮卒於正統丙寅壽八十一歲李氏家譜蘇本妻麥氏附城都人宏治間本任福建明溪驛丞卒於官麥年二十七無子扶柩歸葬有富人遣媒議婚麥曰夫影在堂問之應吾即許矣媒愧而退自是不梳不飾專紡績以奉姑縣令羅僑親拜其門表曰清閨白璧舊志生員李夔妻張氏祿洞人事姑有婦道嘉靖間盜破祿洞張被執以死自誓盜憐其色防閑甚嚴至大陂逕欲犯之大罵不屈賊怒殺之督學蔡克廉表其閭曰烈婦之門

雙節婦玉橋人一易鶴妻馮氏一生員易天準妻劉氏娣姒也二氏同居甚睦嘉靖二十七年同為流賊所擄馮抱幼男劉抱弱女私相語曰今當存者子女耳行至倉邊塘給賊曰吾弱質子女在負如道路何盍緩吾索釋子女可便於行賊從之二氏相挽赴水賊以短戈中馮胸立死水中劉抱馮屍俱沈而死事

聞當道表其門俱同上

明海瑞雙節詩懷貞婦女起人欽地寥寥幾可尋
喜見兩姬同水死固宜雙石表儒林冰壺玉璧清無
敵衰草寒煙淚不禁未嚙犬羊羣血肉此冤當日為
誰深風化重看大光玉顏兩箇鐵肝腸失身為
盜寧死加志五倫真異常止水雲愁未了古羣
春好草無芳夜臺已與人問遠天地茫茫氣獨昂
李邦珍妻施氏朱村人孝順性成善事舅姑嘉靖間邦珍被盜妄扳繫獄施百計饋給盜奪夫衣施以裙禦夫寒艱辛萬狀為夫訴冤卒昭雪焉採訪冊

鶴山縣志 卷之八 列女

二

庠生呂三復妻黃氏樓冲人年二十二守節壽八十

五縣令王命璿詳請題旌舊志

陳應蘭妻李氏孀守無玷王命璿題其門曰儒門孝

節同上

勞大進妻黃氏石頭人姑曾氏以孝謹聞黃善承志進歿無子嫂陰受彭聘黃覺哭曰一身再醮辱甚於死所不即自裁者欲俟叔之子定繼以妥先翁姑及亡夫靈也彭覬黃厚奩遂速之獄知縣王命璿數其罪而杖之人為稱快撫叔次子為嗣恩勤若已出孝

慈節義克全無玷新會志

呂鳳廷妻鄧氏樓冲人年二十一歲明末土寇流劫古勞鄧襁負幼兒遇賊恐為所污急置兒桑間赴水

死舊志

吳獻妻陸氏選田人獻結義旅抗

王師高明城破竄走執陸問夫所在陸不屈赴水死
語詳獻傳屍沒不可得家人取舊所著綠裙招魂葬
之春秋奠酒漿焉冊探訪

謹案舊志既諱獻事不書竝言陸為土賊所
劫皆失實茲據選田吳氏族譜改正

國朝

四貞烈俱古勞人順治甲午李定國掠古勞有古嘉
賢妻勞氏與其姒任氏赴東池或救甦之勞曰毋救
我我死為幸竟與任并二女更赴西池死有楊春魁
妻胡氏偕男與幼女俱赴井死有勞貞娘少孤性狷
潔聞李定國之虐嘗語其姑姊妹以死自誓及寇至
遂赴水死有古周平妻李氏聞亂更服拜辭其夫赴

鶴山縣志 卷之八 列女

三

井死其女靈娘亦從之肇慶府志

謹案舊志有勞勝娘即貞娘也勝娘死里人
為賦貞娘之歌故新會志重出並載而舊志
仍其誤茲刪去

明經吳孟禩妻譚氏性聰慧順治癸巳里中井故墮
瓶忽浮起衆往觀以為祥譚獨曰瓶陶器土也不着
土而浮土動也有水非胥井不可窺也此方其有變
乎明年甲午滇寇圍城孟禩曰賊若破城不能相顧
矣各宜自保以圖後聚譚泣曰君幸自重樂昌破鏡
之事妾所羞為也倘遇患難惟有死而已未幾兵入
室譚避牀下襪被執臨以白刃譚見之躍大呼曰
彼瘦我肥何不食我兵舍襪向譚禩不忍相持爭死
譚目揮之曰此何時尚不疾走襪甫脫回顧譚刃已

加胸矣時十月十一日也

舊志

李娘大唐里人年十六受聘未笄流賊劫之乘以馬

李馬上奮躍罵賊奪刀自刎死

譚氏烏石譚定國女年十九為流賊陸社隆所掠欲
污之女曰我良家女賊何敢然賊怒剖其腹於松樹
下至今鄉人稱其樹曰貞女松

麥翰卿妻楊氏四合人賦性貞靜歸麥四載家被賊
欲污之強之行楊臥路側罵不絕口賊刃之未殊得
不死時懷孕三月後誕一子逾二載夫死撫孤孀守
歷七十餘載邑令黃大鵬詳請旌表建坊曰貞壽
之門壽百有六歲

李惠先妻梁氏滙珍人惠先髻年時星士相之曰此
子當得賢配然年不過十九蚤娶尚可得嗣也其父

鶴山縣志 卷之八

列女

四

信之亟聘梁氏為婦年十八于歸十九而惠先死遺
腹生子家甚貧紡績餬口比子長教以詩書未冠有
文名歲癸卯遭劉保之禍婦女多被掠梁氏堅拒賊
笞其背血流遍體手為之折歎曰吾乃未亡人所以
留此殘喘者以幼子未成立耳今吾子稍長豈肯入
羣擄隊中以污吾節耶遂赴水死越三日屍浮出面
如生鄉人為詩弔之

俱同上

王天方妻鄧氏竹萌淇園里人康熙間土賊據大官
田為巢穴四出剽掠己酉六月十二日劫淇園里天
方被縛鄧故頎長有力操刀與賊相持賊恨甚先割
其兩乳繼解其四肢并殺天方棄屍於河即今竹萌
望海之濟渡處也越日鄉人收其骸與夫合葬焉墳
左右為近村牧地牛羊至此輒避去不踐其墓若有

知者是日也王氏男婦老幼死者數百人今每歲六月十二同於祖祠拜忌日云

冊採訪

廩生李英舒妻劉氏坡山人康熙己酉山賊劉保行劫呼為姑母以所掠金帛遺之劉罵賊玷辱宗祖擲金於地賊刃之仍罵不輟遂被殺年三十三歲英舒念其義不復娶

志舊

庠生劉進妻李氏古勞人進有文名而天遺孤甫五月氏年二十八食貧茹苦矢志不二勉其子成學業比遭亂播遷必携先世遺編以行命其子曰此汝家手澤不可失也卒年七十子一麟康熙辛未進士

同上

何迴宗妻秦氏樓冲人康熙十四年十二月初五日土賊劫樓冲艷其美掠之去秦罵不絕口賊殺之村外牛山側家人遂葬於此

冊採訪

鶴山縣志 卷之八 列女

五

羅登振妻曹氏大霖坪人年二十四夫故撫孤守節康熙三十年賊李長鬚等屠村肆行強暴曹毀容罵賊刃傷右股幸不死孀守五十餘年鄉人公舉請

旌

志舊

貢生呂應龍繼室黃氏樓冲人年二十七守節不渝壽九十二康熙間學使陳均額其門曰柏操松齡古緯坤妻劉氏龍溪人劉一麟次女艱於子嗣脫簪珥為夫立妾未幾夫以苦學得病死為營殯葬踰三月妾麥氏生一子時麥年二十勸之出不聽劉憐其志益善遇之相與苦志勤儉紡績孝事家姑撫幼子如已出及姑死鬻衣喪葬雍正甲辰二月卒生員呂隆妻彭氏草堂人康熙辛丑年隆故時彭年二十六子甫週歲哀痛慘怛如不欲生以撫孤而止

遇夫與舅姑生辰諱日哀哭感動鄰里居常不假嘖笑不輕出入兢兢操守歷三十餘年如一日
李自煥聘妻梁氏雙橋西園人年二十夫死奔喪守節雍正九年邑侯張濼旌其廬曰純貞卒年七十二
祀開平節孝祠

趙成潤妻李氏幕房人潤死自縊雍正十三年撫憲具疏稱氏青年失偶矢志堅貞懼母奪志慷慨投繯如斯勁節洵屬可嘉相應題請旌表以維風化
庠生許越翹妻宋氏古勞人年二十五無子越翹屬續時宋嚙指訣曰妾未能即從地下者以嗣子未定及君喪葬諸大事耳黃泉相見請俟三年所不如約者有如此指後拮据喪事纖悉周至及釋服定繼遂拜木主入室自縊家人救甦竟不食而卒

鶴山縣志 卷之八

列女

六

黎鳳祥聘室宋氏平岡宋崧女崧聞鳳祥祖母有惡疾即悔昏還以原聘物黎佯諾崧信為然別許字譚竒炳女知之即不食鄰嫗強之自是言笑不如往日及笄鳳祥仍備禮以請崧閉門不納女乃對鄰嫗泣曰父母主之女復何言顧絲蘿已定義不容更況從黎則譚爭從譚則黎爭均不利於吾父吾志決矣是夕自縊閨中
應襲生員吳勳妻楊氏為廣海衛百戶楊喬女年二十一生子甫二旬勳故日夜泣血不已後竟喪明而死

劉植佳妻何氏龍溪人劉一麟次媳也歸植佳時翁新舉進士何紡績佐讀屢以繼述勸其夫未幾翁喪植佳以哀傷過節抱病家道蕭然何脫簪鬢衣上供

老姑下療夫病產女甫三齡植佳故悲悼欲死以姑
老女幼而止時年二十五外戚有勸之改適者何曰
吾生長詩書之家歸於禮義之門粗曉廉節詎敢違
耶遂閉門不通往來立嫡伯子承繼教之成立卒年
八十四與夫弟植端妻同志守節人稱雙璧

劉植端妻李氏劉一麟季媳植端性嗜酒弗事生產
姑老無供李悉出奩資養之年二十四舉一子甫二
歲植端以酒病卒母欲奪其志李泣向天自矢曰欲
我變節除是大塊成灰耳由是益謹閨門首不飾釵
身不衣帛刺繡紡績事姑育子與夫嫂何氏同孀守
卒年七十四

李教育聘室施氏祿洞人育未冠而卒施年十九聞
訃痛哭即欲奔喪父母止之女曰吾既以李為夫義

鶴山縣志 卷之八 列女

七

難斷絕不許吾歸李惟有一死耳父母不得已白於
舅姑許之歸僅數月姑亦殂事翁備盡孝養年六十
二卒

李英護妻馮氏祿洞人護年十八卒馮聞訃即奔喪
守志事舅姑克盡婦道終身不出戶庭卒年五十二
勞德凝聘妻關氏龍溪人凝卒氏年十四聞訃縞素奔
喪欲即靈前自引決舅姑以立嗣勸乃毀形劃面恪
事舅姑未幾姑沒事繼姑無間言每歲寒食必登夫
墓哭祭以凝弟德兼子為嗣未週年而殤哀痛絕粒
七日卒以合葬夫墓為囑當道薦紳弔輓贈詩盈篋
呂毓芳妻梁氏翼娘年十九婚期定而毓芳病篤父
曰呂子好學疾勢如此恐不起矣翼娘從容言曰兒
頗知書父能以古人視我我決能完節不貽父母羞

父許之歸信宿而毓芳死，翼娘以頭搶地，血淚交迸。暈而復甦者數四，終喪後足不踰闕事。舅姑執婦道，居常與張洗兩妯同居小樓，紡績不憚勞瘁。張母常病，翼娘侍藥衣不解帶，及翼娘病劇，兩妯願以身代。雍正十年，觀風整俗使來粵，廉知其節，欲咨移學憲題旌，以年例未符而止。

何登先聘室方氏，樓冲人聞訃奔喪，事翁姑盡誠敬。為夫立嗣，孀守數十年。乾隆三年，旌表建坊入祀節孝祠。

易士芳聘妻何氏，坡山人。芳病欲歸侍藥，父不許，越數日芳病垂危，泣告父母曰：「女既許易氏，今郎病姑寡，其誰事乎？」求歸益堅。父母告諸易曰：「中迎歸日，八芳卒，擗踊哭泣成服，盡禮。夫有幼弟甫七歲，體姑志。」

鶴山縣志 卷之八

列女

八

為之撫養，未幾姑亡，夫弟亦繼歿，瑩子獨守，歷三十年，孤苦備嘗。

馮伉妻梁氏，越塘人。生二女，無子。年二十八而夫死，孀居食貧，父母欲奪其志，乃剪髮自誓，紡績維勤，清白無玷。年八十卒。

馮士正妻李氏，越塘人。年二十一，生一子甫週歲，而士正故矢志自守，撫育孤兒，饗飧不給，並無怨悔。正貸富人錢，紡績償之，終不以清貧易志，堅持節操，以天年終。

馮彥式妻林氏，越塘人。年二十，于歸，三載生一女，而彥式卒，欲即從夫地下，念身有孕而止，育遺腹子，歷二十年，鄰里鮮識其面，人無間言。

李瑞安妻施氏，祿洞人。十九歸，瑞安逾歲產子，彌月。

而月死苦志孀守百折不回勤紡績以撫孤兒至於
成立壽六十終
生員黎烈璫妻張氏黎村人夫死守節乾隆十一年
奉建節孝坊入祀節孝祠
陳國芝妻馮氏墳頭村人夫死守節乾隆十七年奉
行給匾以表其門曰清標彤管上俱同
溫傑生妻源氏霄鄉人傑生兄弟三人俱早卒娣姒
皆改適矣源獨事翁撫孤子不去翁曰無以為活柰
何源曰搓棉花亦可活也蓋紡吉貝者必搓成長條
乃鬻於市勤者可曰得百錢鄉人素以為業故云然
源生順治癸巳終乾隆壬申壽滿百歲歿時長曾孫
四歲矣次曾孫汝霖任河南新安縣知縣道光四年
請旌冊探訪

鶴山縣志 卷之八 列女

九

呂宗閏妻楊氏樓冲人生二子閏夜行被賊殺楊哀
悼絕而復甦時年二十四勤於女功養育二子成立
孀守以終志舊

李流光妻易氏祿洞人年二十生一子而光亡勤儉
支持茹蔬啖糲艱苦備嘗撫子成立苦節六十餘年
壽八十二終

李伯上妻馮氏古造人年十九伯上病故越四月生
遺腹子家貧父母欲其他適馮痛夫夭折憫子無依
於是毀容示志甘貧育子務使成立以承夫嗣卒年
六十四

馮顛欽妻李氏李村人苦志孀守

勞允枝妻馮氏龍溪人二十四歲寡生一子矣姑嫜
妯娌憐其少諷之使別適馮曰夫死而背之不義子

在棄之不仁不義我其犬彘與勤紡績以佐日用迄今子孫成立馮以壽考終

呂飛御妻馮氏年二十四守節矢志靡他母勸之改嫁堅不可奪朝夕紡績自給茹蘗飲冰年四十四卒呂邦爵妻秦氏年二十一夫死無子守節甘貧度曰賢聲著於鄉閭

古朝受妻勞氏龍溪人于歸半載夫故撫屍哭瀕死而甦者數時年十八耳翁謂之曰爾夫既死爾無徒死為也吾將為擇嗣時俗凡少年死者殮即置棺於外勞不忍使停之家朝夕不離側既葬乃擇嗣教育盡翁姑病必躬進湯藥娶子婦曰值姑病篤勞嚙指血書青詞籲天祈祐卒年七十二

馮乾卿妻李氏古勞人年十九歸乾卿歸二年生一

鶴山縣志 卷之八

列女

十

子未週歲而乾卿卒父母憐其年少家貧欲奪其志李持守堅厲百撼不移事翁姑惟謹撫孤甚嚴卒年六十七

勞翥雲妻黃氏翥雲商於楚道卒黃年二十二凶聞至慟絕欲自殺以翁姑年老二子幼稚忍死孀守生計日窘佐以紡績卒年八十八

郭慈叔妻勞氏產一子四月慈叔亡父母憐其少令改適泣曰使吾易服過別船將携郭氏一塊肉共沉江心耳乃不敢強自是益加勤勞機杼聲無間寒暑年五十二以勞苦卒

馮章揆妻鄧氏歸歲餘章揆歿矢志孀守誓不他適奉翁姑待妯娌無不各盡其道卒年六十二

馮英光妻李氏越塘人年二十四生二子而英光卒

堅志孀守治家嚴厲奴僕嬉笑不敢近前教二子俱各成立

李瑞鳳妻任氏大唐里人歸鳳三載而鳳故先育一子曰存心後遺腹一子曰用心父母見其貧寡勸令別嫁任誓死矢志不以貧窶改節鄉鄰頌之

陸君達妻黎氏年二十四無子守節撫育孤女壽八十終

李裕德妻劉氏祿洞人歸二載夫亡劉年僅二十遺腹生一子勤勞撫育有茹蘗飲冰之苦壽七十終

呂文煥側室冼氏性孝慈有庶祖姑廖氏年老多病齒脫艱於飲食冼晨夕乳之廖嘗患痢冼襁兒為之洗濯衣物扶持起臥者十閱月不倦稱慕者無間遠邇其子連芳繪乳姑圖以誌母德同人多賦詩為贈

鶴山縣志 卷之八 列女

俱同上

洗必顯題冼氏乳姑圖詩廿載過從拜大家壁間今見乳姑圖休論至行人難及此丹誠世所無寸念豈期身後報遺言還向夢中符他時太史求全德擲管重編有老夫

何學海聘室李氏樓冲人乾隆十三年學海病故李聞報奔喪擗踊哭泣葬祭盡禮冰霜矢志立嗣子曰翌球生孫二人年四十六卒採訪冊

謹案李氏即前志所謂年例未符記之以觀其終者也李於是乎無玷青史矣

羅阿元妻麥氏邑庠麥春生之妹年十九將笄而夫歿柏舟矢志勤事翁姑歿身不衰乾隆五十六年

旌表建坊舊志

羅聖用聘妻麥氏 人乾隆五十三年 旌新志通
馮起先妻施氏越塘人年二十四生二子而起先卒

矢志柏舟撫育二子勤紡績由是家道漸饒次子生
孫世昭性聰慧施常督教之曰爾無怠學須繼爾曾
大父書香昭年甫十九即充開建縣庠生人咸謂施
氏之功云舊志
施仁厚妻傅氏竹萌人生二女以無後為憂勸夫納
妾夫以伉儷情篤不允鄰有黃姓女貌端重傳求為
妾女母忻然從之乃卜吉迎歸而夫尚未知也後生
五子二十六孫婦德能逮下鄉里咸欽重之
楊羣琳妻郭氏烏石灣人年二十五夫死矢志孀守
歷盡飢寒險阻不移惟知撫育其子以續先嗣
張渭賓妻何氏橋坑人年二十一歸渭賓八載夫死
矢志孀守誓不他適事翁姑勤紡績以佐薪水喪葬
盡禮教二子有和熊畫荻風

鶴山縣志 卷之八

列女

十二

丁廷友妻賴氏上樓人生二子年二十七夫死勤蠶
桑以資家用上事翁姑下養二子艱苦備嘗
劉貴芳妻黃氏產一子而芳故年二十二矢志孀守
敬事舅姑三十餘載靡有怠倦葬祭盡禮
楊珙璋妻陶氏大凹人歸二年璋死父母憐其孤苦
屢勸他適終不可奪日勤紡績與孀姆李氏同居三
十餘載清操共勵
賴良茹妻廖氏南洞人年十九夫故子華山未週歲
翁姑早逝無伯叔可倚伶仃孤苦紡績度活不挫其
志

馮漢集妻李氏越塘人年二十四喪夫無嗣矢志柏
舟上事翁姑下撫猶子清節堪嘉推重閭里
呂彥姑樓冲庠山呂惠疇女四歲失怙十四通小學

論語博覽女史書傳痛父蚤喪事母廖氏極孝母患痰飲每焚香祈祝歷數年不輟及母疾轉劇告天願以身代并割臂肉作羹以救嗣是勺水不入口者三日遂病卒年十九歲上俱同

蔡文傑妻卓氏坪山人歸蔡時舅姑歿矣祖姑九十餘尚存奉養維謹年二十七夫病不起苦志孀守子若孫皆成立年七十六卒身閱四代孫謨廩生禮貢生採訪冊

梁開廣妻陸氏大園嘴人三十歲孀守織衽度日壽九十二一堂五代子一人國學生朝達孫二人長孫邑庠生之楠曾孫九人元孫二人

黎智周妻李氏龍灣堡人周病篤亟迎李歸年十九歲是夜周卒誓不再適終身無怨懟聲六十三歲卒

鶴山縣志 卷之八 列女

十三

楊順連妻馮氏南安人順連未娶而亡馮登門守節翁姑已沒饗殮不繼越五年卒

羅士振妻曾氏西坑人歸一載夫病歿年僅二十妯娌曰守節必先立孤前姑生夫一人而歿無親姪可繼新姑或有所出豈能預待三十年後子復生子而後為夫立嗣乎吾志決矣遂絕食三虞母來弔歸曾曰兒不能復侍母矣母未喻其意姑慰之母出門而曾投繯死矣

鍾茂蘇聘妻胡氏塘田人昏期既定而茂蘇卒胡聞訃素妝淡食顧影含悲以臘月十八日卒即向所定昏期也

黃題超妻羅氏校椅山人年二十四夫病甚與羅訣曰汝方有身未知男女如七旬老母何羅曰無論男

女誓無他志夫卒遺腹生男家無擔石惟樵採養姑足跡不至鄰舍年七十二卒

蕭宏寬妻黎氏南洞人二十五歲守節年八十一卒銖積寸累置產較豐於前有女中丈夫之目

馮建臣聘妻古氏龍溪人建臣未冠卒古年十八聞訃奔喪勤紡績事舅姑閉門不出聞昔人有畜大錢百文心偶動即撒地上如數摸回然後就寢者古亦畜百錢效之如是者數十年撫繼嗣成立卒年六十

三歲俱同上

源貯晁妻溫氏霄鄉人初貯晁病俗有衝喜之說迎婦歸實未成夫婦禮也甫五月貯晁病革謂婦曰我死汝早適人毋自苦婦曰妾歸時已甘作源氏鬼矣貯晁曰若是吾目且不瞑婦退取薙髮刀自剄死貯

鶴山縣志 卷之八 列女

十四

晁聞之亦一慟而絕新志通

吳開士妻李氏選田人開士貿易江門客死旅櫬歸即自縊於房採訪冊

李榮綱妻梁氏珠村人榮家貧不能備禮女父母索聘不遂因受聘於陳昏期近矣榮父母亦無如何梁即逃歸跪舅姑前曰兒不顧面皮欲得保全為李家婦耳鄰里聞之走相稱嘆陳訟於官官斷歸李氏笞其父而追其聘焉日從夫耕作糞殮不給卒年五十六

易其貴妻黃氏龍溪人乾隆丙午大饑黃方數歲父不能養歸之夫家夫家亦貧甚日拾穗田間為人掠去賣入江門妓館稍長教令唱歌侑酒涕泣覓死鴆母日加鞭撻而無如何轉鬻與小攬宦家何姓及笄

何氏子欲立為妾黃不可欲為擇配又不可自此不御膏沐若寡婦然後數年其鄉人有傭於小欖者知其事達之夫家贖以歸乃合卺焉時年三十二矣妯娒咸愛悅之越二載舉一女產後卒上俱同王韓泰妻譚氏錢塘人夫卒矢志守節夫兄逼令改適譚度勢不能自全遂服毒死嘉慶九年旌冊檔宋明儔妻胡氏莘岡人二十二歲寡舉子未彌月叔早死未幾伯亦死俱無嗣胡乃以孤子繼伯既在連舉數孫遂得分嗣伯叔後嘉慶十年請旌卒年八十二

謹案明儔新通志誤作明傳今改正

施耀輝妻吳氏竹萌人寄居南海捕屬二十一歲守節歿年五十六嘉慶十九年請旌

鶴山縣志 卷之八

列女

十五

鍾廷桂妻李氏小官田人二十二歲守節年七十二卒道光四年請旌

林望軒妻郭氏 人歸五年而寡守節三十七年卒道光四年請旌

李新元妻何氏祿洞人歸一年而寡守節三十六年卒道光四年請旌

吳有真妻屈氏選田人二十六歲有真客死粵西旅

櫬歸即欲自縊救之得不死現年六十六歲道光四年請旌

王瑤泰妻呂氏錢塘人二十六歲夫故翁年六十餘代夫奉養現年六十六歲道光四年請旌

李俊賢妻呂氏古造人年二十二夫故逾兩月得遺腹子呂撫遺孤葬夫娶媳現年六十四歲孫男五人

矣道光四年請旌

王朝仕妻李氏棠都人二十三歲夫以力學故不肯改適現年五十九歲道光四年請旌

李阿己聘妻温氏古造人二十二歲聞訃欲歸李家舅姑父母俱難之温易服自行哭泣如禮數載舅姑

歿田產消乏温紡績撫夫弟鄰里無間言現年五十歲道光四年請旌

王卉蕃妻呂氏棠都人二十七歲守節事舅姑貧苦自甘現年五十一歲道光四年請旌

易公祐聘妻王氏名金足越塘人年十八聞夫故矢志不再適越三年夫弟公為繼亡王即歸事寡姑及

庶太姑擇族子隆芳為嗣姑與太姑俱享上壽王現年五十一歲道光四年請旌

鶴山縣志 卷之八 列女

李令儀妻任氏祿洞人年十八未嫁奔喪守志現年四十一歲道光四年請旌

馮開穀妻陸氏雅瑤人二十二歲守節侍奉翁姑撫孤成立現年六十七歲道光六年請旌

易體仁妻呂氏玉橋人體仁卒呂送葬返而自經家人救之祖姑泣諭之且就呂寢以防守呂闕祖姑既

寐遂自縊死新志道光六年請旌探訪黎清妻譚氏石龍人清以經古見賞於學使夏之蓉

取入新會學旋以冒籍為同人所攻卒除名鬱鬱死一子長成能學賈又繼卒淒苦萬狀譚二十七而寡

七十二歲卒探訪易熊祥妻何氏玉橋人夫婦同歲生祥二十一歲以

勤學得病死何擇繼子育之不率教復去之益自傷

悼語娣姒曰吾不能終事舅姑矣後鮫祥六年卒
李鶴妻區氏祿洞人鶴有學行歿時僅三十六歲區
則二十八歲耳無子為夫弟苑清置妾羅氏曰得子
則後爾兄其後生子四人卒年八十一
源以維妻梁氏源彥蕃妻温氏並霄鄉人俱二十八
歲寡梁撫幼子温撫遺腹子並成立梁七十二歲卒
温三十九歲卒
李開姑蓮塘李其昭女年十八兄亡父以子死無嗣
憂病日劇女典釵求醫不效焚香籲天乞以身代父
歿自經死
黃池友妻呂氏維敦人孝行純篤能以至性動人翁
溺於酒醉則謾罵鄰舍輒遭毆辱溺水蹈火瀕危者
屢呂每涕泣扶持之屈膝謝鄉里人感其誠篤遂善

鶴山縣志 卷之八

列女

十七

視其翁得令終焉夫亦陋劣無賴脫簪珥勸令改行
營貿易然不足供豪飲費時遭凌虐有慰藉之者則
曰我生不辰饑餓死命也人咸為惋惜年四十無子
病瘵卒

源聖澤妻李氏霄鄉人夫病危先自經死年二十五
易志滿妻李氏玉橋人志滿以競渡溺死李矢志不
嫁越二歲偶出汲有以穢語調之者歸而自縊年二
十一歲

劉國元妻施氏龍嶺人夫亡既殮即歸寧別父母姊
妹旋死夫婦合葬焉年二十三歲

麥啓元妻吳氏四合人夫死即自縊年二十七

宋明琚妻羅氏莘岡人邑庠生宋學廣之媳二十六
歲守節嘗語人曰我翁鬻門中人我不可可以辱之雖

清貧亦甘自守也七十三歲卒

馮浩程妻宋氏雅瑤那水人丙午丁未連歲薦饑浩程出粟勸賑宋親執箕斗簸揚之去其糠粃曰吾予以全而人得其半非實惠也村外有橋浩程倡衆易以石有小橋尤便行人宋獨力成之晚年兩目昏眊聞乞丐聲輒呼家人給之米以一甌為率曰得此乃可作一盃粥也九十四歲卒親戚流涕貧丐有哭失聲者子孫皆貴顯以次子文超貴

敕封孺人

李朝玉妻呂氏祿洞人二十五歲夫死長子幼子繼亡次子僅三歲家教嚴肅奴婢不敢嬉笑於前八十歲卒

溫肇元妾黃氏隔水人嫡室呂氏先立妾陳氏俱無

鶴山縣志 卷之八

列女

十八

子黃二十三歲生一子明年呂氏卒肇元隨歿黃養幼子守節以終年三十八

溫達裕妻官氏龍眠人達裕猷甚及冠不辨雄雌官絕無怨言二十七歲守節以伯子為後卒年六十七溫榮萬妻呂氏文堂人二十五歲夫亡子未週歲呂以夫家四代單傳守節撫孤年八十八歲卒子孔賢現年七十五有孫數人矣

李榮彰妻呂氏上旺村人二十四歲守節榮彰常貸人錢呂紡績償之卒年八十一

李鉅英妻馮氏堯溪人二十二歲生子潤清甫期月夫歿舅又衰老馮撫清成立生三子卒年七十四陸卓成妻胡氏陸本燦妾黃氏並傑洲人嘉慶己巳五月初八日海賊劫傑洲擄掠婦女刻期取贖二氏

被劫登舟至江心共沉於水賊救之再沉焉並死
易岐豐聘妻黃氏玉橋人聞訃請於父母願歸夫家
守志許之歸十二年而卒年三十二歲
陳斯漢妻譚氏白米田人監生陳亮恭庠生陳希姚
之祖母二十九歲守節四代同堂壽九十六歲
羅宏錫妻馮氏雲鄉堡人二十六歲守節四代同堂
壽九十二歲
馮秀蕃妻宋氏雅瑤人歸一載而寡無子矢志事舅
姑終身無疾言遽色以夫兄次子附貢生銷為嗣八
十二歲卒
施宗聯妻馮氏竹萌人翁早逝二十三歲夫歿無伯
叔兄弟姑目瞽馮婦兼子職苦節四十三年六十三
歲卒

鶴山縣志 卷之八

列女

十九

貢生呂超弼妻關氏樓冲人年二十七守節六十九
歲卒以子大成貴 馳封宜人
黃朝聖妻區氏上那白人三十歲守節九十六歲卒
劉德懋妻易氏堯溪人二十歲守節九十三歲卒
呂羨公妻施氏大坑岡人二十七歲守節九十歲卒
任勳元妻胡氏湖夏人二十三歲守節五十三歲卒
梁國重妻楊氏堂馬人二十六歲守節八十一歲卒
監生吳克聖妻勞氏選田人二十六歲守節卒年七
十四嗣子捷祿監生
黃燕萬妻呂氏坡山人三十歲守節六十一歲卒
溫麗陽妻易氏霄鄉人二十五歲守節八十五歲卒
陸榮綱妻宋氏隔萌人二十九歲守節五十歲卒
陸榮璣妻歐陽氏隔萌人二十六歲守節三十五歲

卒

陸常超妻黎氏隔萌人二十歲守節四十三歲卒

貢生陸守遜妻李氏隔萌人二十九歲守節十

歲卒

馮禧宏妻黃氏越塘人二十五歲守節七十四歲卒

孫元德郡庠生龍德邑庠生元德父曰毓獻亦早卒

母秦氏二十七歲事姑教子五十四歲卒

葉仁韜妻劉氏羅江人二十六歲守節八十歲卒

李敬信妻易氏大江里人二十五歲守節八十三歲

卒

呂裕弼聘妻何氏樓冲人將昏而裕弼亡徑歸事姑

七十一歲卒

呂圖永聘妻黎氏樓冲人未歸而圖永歿貞節自守

鶴山縣志 卷之八 列女

二十

四十五歲卒

馮郁林妻李氏湓蓼人二十八歲守節七十九歲卒

張文洪妻曹氏小范人守節五十一年卒以子曰興

貴

敕封宜人

余玉成妻 氏五凹堡人二十歲守節八十二歲卒

梁卓參妻羅氏梁卓命妻張氏梁卓聲妻吳氏並堂

馬人羅與吳二十五而寡張二十三而寡羅八十二

卒張八十四卒吳八十七卒

胡泰然妻李氏石頭人十九歲夫歿痛器百日自縊

死

邑庠生杜霖妻羅氏禾倉坑人二十七歲守節七十

五歲卒

陳文緯妻鍾氏大官田人二十七歲守節七十八歲

卒

黃英朝妻馮氏維敦人二十三歲守節六十一歲卒

任廣沛妻古氏維敦人二十八歲守節七十四歲卒

林御章妻黎氏黃寶坑人二十四歲守節七十二歲

卒

林麟章妻胡氏黃寶坑人三十歲守節七十二歲卒

黃嘉萬妻呂氏坡山人二十六歲守節七十六歲卒

葉孔良妻李氏羅江人二十八歲守節六十九歲卒

葉成爵妻李氏羅江人二十七歲守節撫孤六十六

歲卒

李鳳華妻溫氏大江里人二十八歲守節八十四歲

卒

鶴山縣志 卷之八 列女

二十一

馮恆相妻溫氏逆蓼人二十八歲守節七十歲卒

馮兆邦妻關氏逆蓼人二十七歲守節六十一歲卒

溫英佐妻林氏倉下村人二十三歲守節六十九歲

卒

任章善妻呂氏馬岡人二十五歲守節七十歲卒

易亨彥妻李氏玉橋人二十七歲守節六十六歲卒

溫上宏妻劉氏小江頭人二十七歲守節家徒四壁

卒年六十二

溫祚昌妻馮氏小江頭人二十四歲守節卒年七十

二

李榮德妻勞氏上旺村人三十歲守節七十六歲卒

李廣耀妻呂氏坡山人二十七歲守節六十七歲卒

馮榮裕妻王氏越塘人二十三歲守節事姑三十二

歲卒

李艷才妻溫氏堯溪人邑庠生瑞書母二十三歲守節時瑞書僅週歲溫事姑孝姑歿哀感閭里卒年七十六

馮球澤妻易氏二十歲夫歿無子後三年以毀卒

李聯光妻馮氏堯溪人二十九歲守節七十六歲卒

長孫曰琳邑廩生

李文卓妻馮氏堯溪人二十九歲守節七十三歲卒

孫光祖國學生

易君諒妻何氏坡山人二十歲守節五十六歲卒

馮作英妻黃氏直水人二十二歲守節撫遺腹子卒年六十歲

馮作憲妻鄧氏直水人二十七歲守節事舅姑擇嗣

鶴山縣志 卷之八 列女

二十一

子曰定邦進武庠七十三歲卒

余蒂璽妻黎氏靖村人二十六歲守節壽九十四

梁勝聘妻馮氏直水人十六歲歸夫家守志卒年四十六歲

余克惠妻羅氏靖村人二十四歲守節六十六歲卒

李德普妻梁氏鬧洞人二十四歲守節壽九十歲

馮彰煥妻宋氏雅瑤人二十六歲守節事繼姑撫幼子六十六歲卒

宋遠耀妻任氏莘岡人二十二歲守節七十八歲卒

何伯謙妻馮氏沐河人二十八歲守節五十九歲卒

嗣子天健邑庠生

任應權妻陳氏江宰人二十九歲守節五十三歲卒

子縉良歲貢生

葉文翰聘妻楊氏羅江人文翰十八歲卒楊奔喪守節卒年二十五

溫傑相妻馮氏小江頭人二十八歲孀守妾高氏亦安分事嫡口無怨言閭里並稱之馮六十八歲卒高現年六十三

呂肇啟妻李氏維敦人年二十四夫亡守節子國佐卒媳吳氏年二十六歲兄弟勸令改適其妹亦微諷之吳擯不與相見餽問亦絕姑媳相守李八十四歲卒吳現年七十五

鄧能勲妻古氏維敦人年十九于歸踰年能勲客於西粵絕無音耗數年後彷彿聞其已死食貧茹苦與舅姑相依現年七十四

溫士宏妻陳氏安分人年二十三夫歿撫孤成立娶

鶴山縣志 卷之八 列女

二十二

媳李氏孤亦歿姑媳相守媳年四十先卒陳撫養幼孫現年六十一

梁賢尊妻李氏石頭人年二十五夫歿無子既而夫兄歿弱子幼女無所依李撫若已出嫁娶盡禮現年六十一

王宗潤妻呂氏維敦人幼喪父母歸養於夫家年十九產一子而夫卒家貧甚舅姑勸令携子改適呂氏伯叔亦云然呂自是不復歸母家蓬首垢面為人賃舂採桑以活舅姑歿為營葬子既長為娶婦得孫三月而媳死呂曰負孫沿戶乞乳鄰舍憐而乳之無何子亦死蓋茅屋以居不蔽風雨撫幼孫延宗嗣現年六十八

黃德滿妻李氏維敦人德滿無兄弟李亦未有所出

念翁姑老而無靠紡績以養擇嗣子繼夫後二十五歲寡現年七十二
馮卓能妻李氏維敦人二十三歲寡事繼姑撫幼子又立房姪汝梅續夫兄嗣教育成名現年七十八
源爵凌妻施氏源紹明妻劉氏源智晃妻馮氏源珍晃妻李氏並霄鄉人施年二十七劉年二十九竝撫孤成立馮年二十四撫遺腹子李年三十無子擇繼子撫之施現年七十劉現年七十二馮現年六十三李現年七十一
方貫文妻吳氏坡山人吳槐炳妹也二十八歲寡宗老欲為擇繼吳曰年少則性格未定姑俟之後吳欲立姪輝隆宗老曰某序當繼吳曰立繼當擇賢若必以序論又何所謂擇哉宗老不能難輝隆善事繼母

鶴山縣志 卷之八

列女

二十四

鄉人乃慶吳得子現年七十二
蔡作孚妻潘氏坪山人姑與夫同病潘左右周旋湯藥數月不懈既而相繼卒一女亦隨逝痛絕復蘇時年方十九宗老立繼子二潘將夫遺田交小叔耕種外事概置不問勤儉居積遂獲小康時出贏餘以資親者不少吝今年登六十孫曾繞膝矣
吳溢遠妻郭氏黃寶坑人溢遠以渡覆溺死郭時二十九歲日負汲種桑灌園育一子二女皆成立現年六十五
吳寬保妻羅氏選田人二十八歲寡家甚貧撫週歲子成立現年六十五
馮琇彥妻李氏那水人李暢馥孫女歸七年琇彥卒翁姑先後去世李勤劬教子曰紡績以自給現年六

十三

任振朝妻李氏麥村人邑庠生璇璣母璇璣三歲而孤李二十七歲事姑教子鄉里賢之現年六十二

黃邦琳妻張氏黃洞人年二十九夫歿二女尚幼割

山草以度活卒無變志現年六十二

鄧能飛聘妻勞氏龍溪人未成昏而夫卒矢志自守母不忍奪其志送至夫家成服奉舅姑撫叔孀遺姪三人若已出現年七十二

何紹宗妻劉氏何乾宗妻唐氏樓冲人竝繼室也唐二十八歲喪夫立繼子亦歿卒不變志劉歸三月而寡年二十一歲遺腹得子今諸孫林立矣現年七十四唐現年六十三

邱子寬妻李氏橫水人年十八生一子未週歲而子

鶴山縣志 卷之八

列女

二十五

寬卒哀慟欲絕或勸以姑老子幼哀稍止不苟言笑現年六十三

何元開妻張氏樓冲人年二十一夫故撫幼子成人娶媳胡氏得二孫子又歿常抱其孫而語胡氏曰何氏三世唯此而已現年五十六

李玉珍妻古氏上旺村人年二十二歸玉珍六載未有子女珍質居宅於人令古寄居祖樓而客游於楚久之音問遂絕有憐其年少勸令改適者古流涕謝之日紡績以糊口以其餘贖還舊宅而玉珍竟無耗矣孤苦四十餘年賢聲著於閭里現年七十歲

馮彤瑞妻陸氏直水人二十八歲守節既得抱孫孤又歿乃撫幼孫偕媳紡績度日現年六十四

張沾義妻梁氏靖村人二十五歲守節遺孤繼歿取

別姓子養之又歿再育一子今十八歲矣梁現年六十三
施竒英妻呂氏竹萌人無子翁姑幼叔在堂以織蓑衣為業養生送死皆呂獨任之現年六十二
邑庠生施霖妻李氏竹萌人二十九歲守節既而翁歿庶姑林氏亦二十九歲矢不二志人竝賢之李現年六十二林現年五十七
馮華邦妻李氏越塘人三十歲喪夫紡績度日撫孤成立現年八十五
李志明妻馮氏堯溪人年十九歸李氏得子而殤夫歿撫猶子事翁姑現年五十六
李宏軒妻任氏堯溪人二十五歲夫歿有子曰才光遺腹生彩光家貧食力現年八十四才光年六十四

鶴山縣志 卷之八

列女

二十六

彩光年六十一
李開能妻馮氏堯溪人二十三歲夫歿一子將議昏而夭叔憐其苦節以長子嗣之現年六十五
李觀成妻溫氏堯溪人二十五歲夫歿子興贊僅二歲及有室又歿立嗣孫輔信現年六十三
黃邦盛妻李氏黃洞人二十八歲生子甫七月而夫死刈草以活無變志現年六十二
李墉妻溫氏蓮塘人年二十四夫以力學病卒溫事舅姑撫猶子食淡茹素現年五十五
張輝宇妻馮氏小范人二十五歲守節僅一子採薪度日馮現年八十九有孫三曾孫一矣
馮揆新妻李氏維敦人揆新少孤貧無期功親歿時李年二十三歲姑抱幼孫呼天而泣曰吾家惟此一

線耳既而姑與子相繼逝有媒媪欲誘之李不動為夫立嗣子現年七十四

黃彩友妻關氏維敦人彩友客死於瓊關年二十八為人賃舂以養女苦節三十餘年未嘗聞嬉笑詬誶聲現年六十一

馮朝棟妻黃氏裏村人十九歲歸朝棟越三年而寡現年六十九

易元昌妻呂氏坡山人二十三歲守節現年六十歲阮文恭妻賴氏南洞人十八歲守節現年六十七

李宏象妻黃氏北芬人二十四歲守節現年七十五梁士旭妻譚氏堂馬人二十五歲守節現年八十四

鶴山縣志 卷之八 列女

二十七

陸經揆妻馮氏隔萌人二十七歲守節現年七十一

陸興贊妻溫氏隔萌人二十三歲守節現年六十歲

陸榮錦妻胡氏隔萌人三十歲守節現年六十一

馮緒傳妻李氏越塘人二十三歲守節撫孤姑年七十餘乃卒李現年七十歲

李貽邦妻杜氏塔檐塘人二十一歲守節現年七十

六

葉沛彩妻侯氏羅江人二十四歲夫亡一子僅週歲

撫之成立現年七十八

葉英憲妻馮氏羅江人二十六歲守節現年七十四

嗣子騰芳武庠生

李英遇妻呂氏維敦人二十八歲守節現年六十九

李大聯妻呂氏維敦人二十二歲守節現年六十七

王世章妻黃氏維敦人二十一歲守節現年六十一
文京揚妻李氏附城人年二十守節現年六十歲
胡功臣妻馮氏石頭人二十九歲守節現年八十一
胡其祿妻霍氏石頭人二十四歲守節現年五十五
鄧珍秉妻方氏坡山人二十二歲守節現年五十二
李秀仰妻梁氏坡山人二十六歲守節現年七十三
子貞邑庠生
吳江滿妻崔氏水口人二十八歲守節現年五十九
呂起培妻鄧氏小范人二十一歲守節現年五十九
溫倫相妻王氏小江頭人二十一歲守節現年六十
三
梁開保妻李氏坡山人三十歲守節事姑現年七十
六

鶴山縣志 卷之八 列女

二十八

何廷贊妻張氏樓冲人二十九歲守節現年六十七
馮啓相妻呂氏蒞蓼人年二十五守節現年六十七
馮啓倫妻溫氏蒞蓼人年二十七守節現年六十三
馮瑞超妻溫氏蒞蓼人年二十四守節現年六十二
溫禮明妻李氏安分人年二十四守節現年六十歲
黎文斯妻馮氏石龍人年二十七守節現年七十四
武庠葉上榮妻區氏羅江人二十六歲守節現年六
十一嗣子騰霄武庠生
葉偉憲妻呂氏羅江人二十五歲守節現年六十三
葉沃全妻馮氏羅江人二十五歲守節嗣子既冠又
歿柏舟之操彌堅現年六十一

葉卓憲妻馮氏羅江人二十八歲守節現年六十三
李啓仁妻馮氏大江里人三十歲守節現年八十一
馮耀祥妻呂氏前江人二十八歲守節現年六十五
何麟士妻呂氏樓冲人年二十四守節現年七十七
何廣志妻源氏樓冲人二十七歲守節現年六十歲
何允傳妻易氏樓冲人二十八歲守節現年七十四
梁紹邦妻鄧氏堂馬人二十八歲守節現年六十歲
胡禮炳妻吳氏坡山人二十六歲守節現年五十八
呂德駒妻馮氏大坑岡人二十四歲守節現年六十
歲
黃我能妻任氏黃我容妻温氏竝上那白人任三十
歲守節七十二歲卒温二十九歲守節現年六十六
黃毅明妻李氏下那白人二十八歲守節現年六十

鶴山縣志 卷之八 列女

二十九

五
黃裔綱妻李氏下那白人二十四歲守節現年六十
歲
黃勇孝妻劉氏埋岡村人二十九歲守節現年六十
七
吳永旭妻何氏隔水人二十四歲守節現年六十歲
温肇勝妻李氏隔水人二十九歲守節現年六十三
陳世權妻馮氏沙涌人二十九歲守節現年六十六
黎著邦妻梁氏石龍人二十三歲守節一子一女現
年七十四
黎嘉育妻馮氏黎屋邊人二十六歲守節現年七十
歲
黎宗遠妻陸氏黎屋邊人二十二歲守節現年六十

歲

劉炳澤妻呂氏赤坎人二十八歲守節現年七十五

劉榮澤妻胡氏赤坎人二十五歲守節現年六十四

李程萬妻劉氏堯溪人二十七歲守節現年六十九

何依承妻易氏樓冲人二十七歲守節現年七十四

馮勝瑞妻黃氏直水人二十二歲守節現年六十歲

李定泰妻黃氏堯溪人二十六歲守節現年五十歲

李 妻劉氏湓蓼人二十六歲守節現年七十六

易章賢妻王氏玉橋人二十四歲守節現年六十四

唐大成聘妻呂氏坡山人二十歲歸夫家守志現年

五十七

唐壯昭妻秦氏坡山人十九歲守節現年五十三

易隆興妻李氏坡山人二十八歲守節現年八十三

鶴山縣志 卷之八 列女

三十

黃君華妻溫氏黃千華妻馮氏竝下那白人溫三十

歲守節現年六十三馮二十八歲守節現年六十六

盧彩元妻張氏橋坑人二十八歲守節現年五十一

梁崇烈妻麥氏堂馬人夫歿撫遺腹子現年六十歲

陳聯芳妻鄧氏大凌村人二十二歲守節現年五十

五歲

壽婦附

麥翰卿妻楊氏四合人百有六歲乾隆五年 旌表

建坊有傳志舊

方嘉餘妻李氏坡山人乾隆二十六年年滿百歲詳

請 旌表建坊逾年卒冊探訪

温裔選妻李氏文堂人武生温名揚母現年一百零

二歲同堂四代孫曾二十六人

吳松茂妻宋氏黃寶坑人槐炳曾祖母九十四歲

吳紹裘妻譚氏黃寶坑人槐炳祖母九十六歲

吳奇俊妻黃氏黃寶坑人九十一歲以子槐炳貴賤

封孺人

吳英蕃妻胡氏黃寶坑人九十三歲

易訓洪妻呂氏玉橋人九十一歲

鶴山縣志 卷之八 列女

三十一

吳見大妻梅氏黃寶坑人九十六歲

勞世達妻鄧氏石頭人現年九十三歲

劉芳佐妻方氏赤坎人九十二歲四代同堂

任幹寵妻黃氏麥村人九十二歲

任允球妻馮氏麥村人九十一歲

古業朝妻任氏龍溪人現年九十三歲

源光泰妻温氏霄鄉人現年九十三歲

源德佐妻呂氏霄鄉人現年九十二歲

源更儒妻馮氏霄鄉人九十歲

林漢章妻陳氏黃寶坑人現年九十歲

易 妻劉氏越塘山頂人九十七歲

貢生呂進弼妾宋氏九十三歲歲貢生璪生母孫五

人曾孫十五人元孫二人

呂蒼沛妻譚氏樓冲人九十五歲

呂體文妻宋氏樓冲人現年九十四歲

莫重儒妻温氏湓蓼人九十四歲

莫重喜妻馮氏湓蓼人九十二歲

黎兼澤妻陸氏石龍人九十歲

葉沃秀妻任氏羅江人以子長衛貴

勅封安人現年九十一歲

郭 妻麥氏 人生員郭謨母現年九十八歲

道光四年呈請建坊

黎聯豐妻羅氏黎屋人九十五歲

易澤春妻 氏玉橋人九十二歲

易裕璽妻李氏玉橋人九十四歲

易佐廷妻李氏玉橋人九十七歲

鶴山縣志 卷之八 列女

馮國瑞妻甘氏直水人九十一歲

梁卓連妻李氏泊步人九十七歲

何卓翰妻馮氏樓冲人九十七歲

何廣賢妻鄧氏樓冲人九十歲

易承達妻李氏玉橋人九十一歲

吳瑞珍妻李氏選田人九十五歲府庠生烜母烜現

年七十二歲孫六人泉府庠生榮廩生曾孫十二人

吳沛傳妻葉氏沙涌人九十三歲

馮顯爵妻梁氏雅瑤人九十六歲

郭 妻朱氏雲鄉人國學生鳳儀之祖母邑庠生

光斗之曾祖母九十七歲

施炳乾妻李氏竹萌人九十二歲以子拔貴 貽贈

安人

張澤鏞妻馮氏橋抗人現年九十五歲

李公疇妻呂氏維敦中截堡人九十二歲

黃允宏妻何氏維敦仁和堡人九十歲

任允泰繼宰陳氏江宰人現年九十歲子佐虞附貢

生元梓元亨俱舉人

監生吳克明妾區氏選田人現年九十一歲所生子

三人次子捷祿監生

陳德心妻朱氏大凌村人九十六歲子壞玉國學生

美玉吏員孫廷佐武舉人

陳宗惠妻李氏城內人九十七歲子有慶文滄邑庠

生文蔚郡庠生

俱同上

謹案壽婦亦以九十歲為率已見節婦者不

重錄

鶴山縣志 卷之八 列女

三十三